



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 813. Usque Ad Annum 859

**Fleury, Claude**

**August. Vind. [u.a.], 1760**

**VD18 90117867**

§. 16. Theodotus Patriarcha.

---

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

*nefas devitemus & peccatum, cuius Majestas tua particeps fiet, cedo invitus & necessitate compulsus Sede mea. Ceterum gratias agam Deo, quamcunque sortem mihi obtingere imposterum permiserit.*

Sæculum IX.  
A. C. 815.

Imperator hac Epistola maligno risu accepta Thomæ Patritio mandat, ut cohorte militum cinctus iret, & media nocte Patriarcham comprehenderet. Patriarcha, cum illa noctis hora milites ad se intrarent, petiit lumen inferri, surrexit e strato & manibus suorum nixus arrepto thuribulo duobus luciferis præeuntibus in Ecclesiam se contulit, ubi in pavimento prostratus locum Sacrum Deo commendavit, ne profanaretur ab impiis. Tum Ecclesiæ suæ & Civitati Constantinopolitanæ valedicit, & lecticam conscendens in Arcem defertur. Inde scaphæ impositus Chrysolim transvehitur, mittiturque in Monasterium Agathi, id est Boni, quod ædificaverat. Sed modico post tempore ulterius ad S. Theodori Monasterium, ab ipso quoque fundatum, transfertur.

§. XVI.

*Theodotus Patriarcha.*

Nicephoro Patriarcha in exilium abstracto Imperator sequente die mane populum ad concionem vocat, simulatque Nicephorum sponte sua Ecclesiam

D 3

suam



Sæculum IX. suam dereliquisse & discessisse. Mox  
A.C. 815. que in ejus Sedem Joannem Leconomantam suffecturo, ut promisso se exsolveret, obstiterunt Patritii dicentes: *Juvenis est obscuri nominis, non decet nos viros Senes coram ipso prosterni.* Itaque Leo Theodotum elegit filium Michaelis Patritii, qui Constantini Copronymi Sororem in matrimonium acceperat. Theodotus Spatarius Imperatoris erat, & in eadem de imaginibus sententia. Nulla autem in eo pietas aut rerum spiritualium scientia. Sacris litteris leviter tinctus, de cetero vir mansuetus & bonus videbatur.

Patriarcha absente imaginum hostes illico eas delere, dejicere, comburere & omnibus modis profanare. S. Theodorus Studita autem, ut huic scandalo insignne pietatis exemplum opponeret, jussit Monachos suos imagines manibus suis tenere, & procedentes in solemni pompa Dominicæ Palmarum cantare Hymnum, cujus initium: *Adoramus imaginem tuam purissimam*, aliosque hujusmodi in honorem Jesu Christi concinnatos. Ita cantantes Monasterium circumvenerunt; cumque id ad aures Imperatoris pervenisset, Theodoro denuntiari jussit; nisi ejusmodi cultu abstineret, flagris & ipsa morte puniendum. Sed S. Abbas contra audentior ivit, fidem Catholicam docuit,



docuit, omnesque se consulentes ad SS. Sæculum XI.  
A. C. 815.  
 imaginum cultum exhortatus est.

Novus Patriarcha Theodotus ordinatus est in die Paschæ prima Aprilis anno octingentesimo decimo quinto, & annis sex hanc Sedem tenuit. Quamprimum Palatii Patriarchalis possessionem adiit, cœpit lautissima celebrare convivias, atque Clericos, Monachos, Episcopos, qui a puero abstinuerant a carnibus, ad eas manducandas compulit. Amandata modestia & gravitate, quæ prius hanc domum commendabant, risus, lusus, luctationes, scurrilia & sermones obsceni successerunt.

## §. XVII.

*Concilium Iconoclastarum.*

Peractis Festis Paschalibus jubente Leone Imperatore Concilium Iconoclastarum & Episcoporum, qui perterriti cesserant, in Ecclesia S. Sophiæ congregatum, cui novus Patriarcha Theodotus cognomento *Cassitera* præerat. Voluit quoque Imperator, ut filius suus Symbatius, quem Constantinum appellavit, Concilio adesset, ne si ipse adiret, Doctrinam illi, cui Imperium suscipiens subscripserat, contrariam approbare cogeretur. Abbates Constantinopolitani ad Synodum vocati data Epistola, quam S. Theodorus Studita nomine omnium

*vit. Niceph.  
n. 73.*